



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput LIII. Explicantur species irreligiositatis.

[urn:nbn:de:hbz:466:1-73203](#)

fectus non debet à Deo vel à natura rationabiliter expectari. Unde qui hoc observat, ex parte paganus est. S. Elegius serm. ad omnem plebem,

⁴²¹ Ceterum etiam superstitio ex se sit grave peccatum, non illicò Confessarius, abique alio examine, concludere debet, pœnitentem suum, qui aliquam ex supradictis comisit, mortaliter deliquerit. Quia principia superstitionis malitia petitur ex pacto explicito, vel implicito cum dæmonie; quod qui nullo modo directè vel indirectè intendit, ipsi tamquam volenti imputari non potest; sed ei dumtaxat, qui scire potuerunt & debuerunt, superstitionis esse tale quid facere, vel credere. Attendat proinde Confessarius quoque sit notum per experientiam, quod res, vel circumstantia, in qua fit vis, nullam ex natura sua, vel ex institutione divina, vel Ecclesie approbatione vim habeat, ad talen effectum producendum? An pœnitens nunquam audierit, velut superstitionem à viris doctis improbari tales actionem? An nunquam exorta pœnitentie de eo suspicio? An multum vel parum fidei adhibuerit talibus rebus? Sive autem mortaliter, sive venialiter pœnitentem in eo deliquerisse animadverterit, semper ipsum deterret à similibus imposterum committendis, monens (cum sancto Augustino Enchir. c. 191.) vanas illas observationses esse de numero peccatorum ilorum, que levissima putarentur, nisi in Scripturis demonstrarentur opinione graviora.

C A P U T L I V .

Explicantur species irreligiositatis.

⁴²² Irreligiositas religioni opponitur per defecum, describique potest, contemptus, vel irreverentia Dei, rerumque sacrarum. Species illius sunt tentatio Dei, blasphemia, impietas, sacrilegium, & simonia.

⁴²³ Tentatio Dei h̄c non sumitur pro incitatione Dei ad malum; Deus enim intemperatores illorum est; ipse vero neminem tentat; sed pro dicto vel facto, quo quis experimentum de divina aliqua perfectione, v. g. iustitia, potentia, &c. extra ordinarias Dei leges, circa iustum causam capere vult. Quia, ut S. Thomas ait q. 97. a. 2. tentare est experimentum sumere. Nullus autem experimentum sumit de eo, de quo est certus. Et idem omnis tentatio ex aliqua ignorantia vel dubitatione procedit, vel ejus qui tentat (sicut cum quis experimentum de aliqua re sumit, ut ejus qualitatem cognoscat) sive aliorum: sicut cum quis experimentum de aliquo sumit, ut aliis ostendat, per quem modum Deus dicitur nos tentare. Ignorare autem, vel dubitare de his que pertinent ad Dei perfectionem, est peccatum. Unde manifestum est quod tentare Deum ad hoc quod ipse tentans cognoscat Dei virtutem, est peccatum. Siquis autem ad hoc experimentum sumat eorum que ad divinam perfectionem pertinent, non ut ipse cognoscat, sed ut aliis demonstret, hoc non est

tentare Deum: cum sub sit necessitas justa, seu ipsa utilitas, & alia qua ad hoc concurrent debent. Sic enim Apostoli petierunt à Domino, ut in nomine Jesu Christi fierent signa, ut dicitur Actuum 4. ad hoc scilicet quod virtus Christi infidelibus manifestaretur.

Addit S. Doctor ibidem ad 3. 1°. quod ⁴²⁴ non semper tentat Deum, qui signum petit à Deo. Quia duplum aliquis signum petit à Deo: uno modo ad explorandam divinam potestarem, aut veritatem dicti ejus; & hoc de se perinet ad Dei tentationem. Alio modo ad hoc quod instratur, quid circa aliquid factum sit placitum Deo; & hoc nullo modo pertinet ad Dei tentationem.

2°. art. 3. ad 2. quod ille qui ante orationem animam suam non preparat, dimittendo sequid adversum aliquem habet, vel alias ad devotionem se non disponendo, non facit quod in se est, ut exaudiatur a Deo, quasi interpretatione tentat Deum.

3°. a. 1. ad 3. quod Predicatores regni Dei ⁴²⁶ ex magna necessitate, & utilitate, subsidia temporalia prætermittunt, ut verbo Dei expeditius vacent. Et idem, si sole Deo innitantur, non ex hoc tentant Deum. Sed si absque utilitate, vel necessitate, humana subsidia desererent, tentarent Deum. Unde & Augustinus dicit 22. contra Faustum 36. quod Paulus non fugit de Damasco, quasi non credendo in Deum, sed ne Deum tentaret, si fugere noluisse, cùm sic fugere potuisset. Beata vero Agatha experita erat erga se divinam benevolentiam, ut vel infirmitates non pateretur, pro quibus corporali medicina indigeret, vel statim sentiree divina sanationis effectum.

4°. addo ego, malitiam tentationis Dei ex ⁴²⁷ eo peti, quod experimentum de divina perfectione circa iustum causam sumere, auxiliūm à Deo temere, contra ordinarias Dei leges expectare, sit contra observantiam divinae Majestati debitam, audaciamque quamdam contineat, in modo presumptionem, attentā vilitate expectantis, qui respectu Dei adeo nihil est, ut proorsus indignus sit, cuius respectu Deus miraculum faciat.

Blasphemia est injuria locutio in Deum, ⁴²⁸ mediate, vel immediate. Aliquando enim Deus mediate blasphematur in Sanctis suis, vel aliis creaturis, injuriosè loquendo de ipsis, quatenus Deus in iis reluet. Quod si Deus injuria afficiatur non verbo, sed facto, contumelia specialiter dicitur. Aliquando fit per modum enuntiationis, quā Deo tribuitur defectus, vel negatur perfectio aliqua, ut dum dicuntur injustus, crudelis, &c. Aliquando per modum execrationis, v. g. dicendo, cum damnatis & desperatis, sit maledictus Deus, pereat Deus. Aliquando per modum dubitationis: si est Deus, si est iustus, &c. Aliquando per modum irrisio, ut dum Iudei dicebant: Vah! qui destruis templum Dei, &c. Aliquando per modum simplicis irreverentiae, ut cum aliquid Deo conveniens profertur cum

irreverentia, v. g. jurando per caput, per ventrem, per sanguinem Dei, &c. sanctissima membra illa (Deo incarnato convenientia) tamquam contemptibilia abesse ulla reverentia in ira nominando, & per illa jurando. Et in istis omnibus blasphemia aliquando perfecta est, aliquando imperfecta. Perfecta, quando cum interno contempsu, vel odio, vel detestatione divinas Majestatis conjuncta est: imperfecta, quando ex aliqua animi perturbatione, sine formaliter contemptu, vel interna detestatione Dei: aliquando cum haeresi conjuncta, quando ore dicitur, & corde creditur habere defectum quem non habet, vel non habere perfectionem quam habet. Aliquando sine haeresi, quando tale quid corde non creditur.

429 Porro blasphemia reus est, quisquis deliberatè profert verba in Deum, vel Sanctos contumeliosa, eorum significationem actualiter vel virtualiter advertens, tametsi actualiter blasphemandi intentionem non habeat. Ita S. Thomas q. 13. a. 2, ad 3, ubi sic: *Blasphemia potest absque deliberatione ex surrepitione procedere duplicitate: Uno modo, quod aliquis non advertat, hoc quod dicit esse blasphemiam; quod potest contingere, cum aliquis subito ex aliqua passione in verba imaginata prorumpit, quorum significationem non considerat; & tunc est peccatum veniale, & non habet propriam rationem blasphemie. Altius modo, quando advertit hoc esse blasphemiam, considerans significata verborum: Et tunc non excusat à peccato mortali, sicut ne ille, qui ex subito motu ira aliquem occidit juxta se sedentem. A mortali ergo blasphemia non excusat ille, qui ex subito motu ira verba contumeliae in Deum, vel Sanctos profert, quamvis ideò non advertat, quod ex confusitudine illa proferat, quam corrigeret seriò non allaborat. Quia talis inconsideratio non est ipsi involuntaria, sed voluntaria in causa, pravâ scilicet voluntate, propriaque salutis incuria, quâ malam consuetudinem negligit emendare.* Unde teste D. Gregorio l. 4. Dialogorum c. 18. quinquennis puer, qui mox meus animo aliquid obstatisset, majestatem Dei blasphemare consueverat, in articulo moris demonibus sub horrifica forma apparentibus traditus fuit, & damnatus, nec ipsum consuetudo prava excusavit. Vide que to. I. dixi de peccatis ex ignorantia & inadvertentia commissis, atque ex ibi dictis apparebit, non omnem inadvertentiam ad significatum verborum blasphemiae à mortali excusare, sed solum illam qua involuntaria est, tam in se, quam in causa, non retractata per penitentiam, diligenter magnam corrigiendi pravam confusitudinem. Vide etiam S. Antoninum p. 2. tit. 7. c. 5. ubi de maledicentia in Deum, quæ frequenter blasphemiam continet, dicit quod semper ei mortale, cum perpendit se maledicere. Nec excusat quod ex subita ira hoc faciat, vel ex more.... Psal. 26. „Maledicentes autem ei disperibunt. „ Blasphemie vero gravitatem S. Antoninus triplici argumento de-

monstrat. 1°. ex eo quod viri pii crimen istud vel nominare adeò horreat, ut contrario benedictionis nomine per antiphonam significant Job. 1. & 3. Reg. 21. Neconon ex eo quod Judæi blasphemiam audientes, velimeta sua in horroris signum laceraverint. 2°. ex eo quod lex vetus blasphemos morte damnet, & adhuc hodie per leges severissime puniantur. 3°. ex hoc quod damnatorum occupatio sit. Non enim aliud opus in inferno exercent, nisi blasphemare Deum & maledicare. Qui ergo hoc visio detinetur, offendit se pertinere ad statum damnatorum, ex quo exercet artem eorum.

De eodem peccato S. Hieronymus in Isa. 430 18. l. 7. Nihil (inquit) horribilis blasphemia, quæ ponit in excelsum os suum.... Omne quippe peccatum comparatum blasphemia, levius est. Ideo (inquit Augustinus l. un. contra mendac. c. 19.) pejus est blasphemare, quam pejorare, quoniam pejorando, falsa rei adhibetur testis Deus; blasphemando, de ipso falsa dicuntur Deo.

Proprietate in Concilio Lateranensi 431 l. 9. Leo X. sic statuit: In foro conscientia nemo blasphemia reus absque gravissima penitentia, servi Confessoris arbitrio injuncta, possit absolviri. Quod Decretum Pius V. confirmavit in Constit. qua incipit cum primum. Et lecutum est Concilium Mediolanense I. sub S. Carolo Borromæo p. 1. tit. de blasphemia. Sicut & Bituricense anni 1582. Tholofanum anni 1590. Avenionense 1594. Narbonense 1609. Syndodus vero Trecensis anni 1427. sic statuit: *Sunt nonnulli, tam Laici, quam Ecclesiastici viri, qui Redemptorem suum turpiter invanrant, detestabili in ejus blasphemiam facientiur iuramenta, puta per carnem suam, per sanguinem, per mortem, per plagas, per caput, per viscera, vel alind concernenti ejus humanitatem jurantes, & ipsum Redemptorem nostrum, pro nobis omnibus in cruce mortem patsum, iterum crucifigunt. Propri quoq; distributè prohibemus, sub pena 40. solidorum, in usus pios convertendorum, talia fieri de cetero iuramenta, cum in non modicum ejusdem Domini nostri sonent blasphemam. Siquis autem talia sit assuetus facere iuramenta, pro qua vice volumus ad nos, aut Penitentiariorum nostros remitti absolwendum. Siquis vero Deum negaverit, vel despiciaverit, pro prima vice dies dies, pro secunda quatuor, in pane & aqua jejunare compelletur; pro tertia autem in scala (ut moris est) reponetur, ut ipse, qui Deum blasphemavit, à populo merito infameatur.*

Gregorius IX. cap. statutus de maledicis 432 blasphemum septem diebus Dominicis pro foribus templi stare decernit, dum Missarum solemnia celebrantur. Ultimo dierum librum absque pallio & calceamentis ligatum corrugat circacollum Exomologosum facere; septem præcedentibus feris sextis in pane & aqua jejunare, tres aut annos pauperes, aut unum fidem reficeret; ab Ecclesia aditu illis diebus abstineret. Quam

penitentiam sibi strenuat, Ecclesie interdicatur ingressu, & in obitu Ecclesiastica careat sepultura.

433 Denique in veteri Poenitentiali Romano, ille qui per capillum Dei, aut caput eius juraveris, aut alia blasphemie verba pronuleris, si semel inconsiderate ex precipiti lingua motu id feceris, sepius dies paenitentiae in pane & aqua; si secundo, vel tertio increpatus id feceris, dies quindecim in pane & aqua paenitere jubetur.

434 Quicunque vero blasphemantem audierint, eum verbis acriter objurgare teneantur (ait Leo X. cum Lateranensi Concilio) si circa periculum suum id fieri posse contingat, cumque deferre vel notificare apud Judicem Ecclesiasticum, seu sacularem, intra triadem debeant. Quod si plures dictum blasphemantem simul audierint, singuli eum accusare teneantur, nisi forte omnes convenerint, ut unus pro omnibus tali fungatur officio. Quod & varia Concilia Provincialia sanxerunt.

435 Quid si saculares Judices contra tales blasphemias convictos non animadverterint, eosque iustis paenit non affecterint, quantum in eis fuerit, quasi eidem sceleri obnoxii, eisdem quoque paenit subjiciantur. Leo X. ibidem, decem annos indulgentiae concedens pro qualibet vice, quā rite isto officio functi fuerint.

436 Pius vero Papa can. squis 22. q. 1. Siquis per capillum Dei, vel caput juraverit, vel alio modo blasphemiam contra Deum asas fuerit, si in Ecclesiastico ordine est, deponatur; si Latus, anathematizetur.... Siquis autem talen hominem non manifestaverit, non est dubium quin divina condemnatione cohercatur. Sed si Episcopus ista emendare neglexerit, acerrime corripiatur.

C A P U T L I V .

Describitur sacrilegium, explicanturque pertinentia ad illud.

437 **S**acrilegium definiti solet, violatio seu indigna ira latio rei sacrae, id est ad Dei cultum specialiter consecratae; cuius prouide violatio seu injuria redundat in Deum: quia, ut S. Thomas ait q. 99. a. 1. omne illud quod ad irreverentiam rerum sacrarum pertinet, ad injuriam Dei pertinet. Secundum diversam vero rationem sanctitatem rerum sacrarum, quibus irreverentia exhibetur, necesse est quod sacrilegii species distinguantur (ait art. 3.) Tamen enim sacrilegium est gravissimum res sacrae, in quam peccatur, majorum obtinet sanctitatem. Attribuitur autem sanctitas & personis sacris, id est divino cultui dedicatis, & locis sacris, & rebus quibusdam aliis sacris. Sanctitas autem loci ordinatur ad sanctitatem hominis, qui in loco sacro cultum Deo exhibet. Dicitur enim Machab. s. , Non propter locum gentem, sed propter gentem locum Deus elegit. Et ideo gravissima peccatum est sacrilegium, quo peccatur contra personam sacram, quam quo peccatur contra locum sacrum. Sunt tamen in utraque sacrilegi specie diversi gradus, secundum differen-

Tou. II.

tiam personarum, & locorum facrorum.
Similiter etiam & tertia species sacrilegii, qua 438 circa res alias sacras committitur, diversos habet gradus, secundum differentiam rerum sacrarum; inter quas summum locum ubi nent ipsa Sacramenta, quibus homo sanctificatur, quorum precipuum est Eucharistia Sacramentum.... Et id est sacrilegium quod contra hoc Sacramentum committitur, gravissimum est inter omnia, &c.

Sacrilegium itaque aliud est ratione personae sacræ violatae. Aliud ratione loci facri. Aliud ratione rei sacrae a personis & locis sacris distinctæ, ut Sacramentorum, vasorum sacrarum, Reliquiarum, Scripturarum, diei facri, &c. Ad primam speciem pertinent violenta injectio manuum in Clericum (etiam conjugatum, si deferat habitum & tonsuram Clericalem, & alicujus Ecclesiæ servitio vel ministerio ab Episcopo deputatus, eidem Ecclesiæ serviat, att minister, prout habetur in Tridentino less. 23. cap. 6.) sicut & violenta manuum injectio in Religiosos utriusque sexus, etiam novitios. Item fornicatio habentis votum castitatis, violatio virginis Deo dicatae, per votum enim castitatis corpus nostrum Deo consecratur, & sanctificatur, ut ab omni libidinis contagione purum servetur. Huc etiam pertinet personarum Ecclesiasticarum pertractione ad tribunal saeculare, & omnis alia violatio immunitatis ipsarum, utpote violatio sanctitatis illius status.

Ad secundam speciem pertinent omnia quæ 440 fiunt contra loci facri sanctitatem, ut effractione & spoliatio Ecclesiistarum, Monasteriorum, Hospitalium, & quorumcumque ab Episcopo consecratorum, vel autoritate ipsius deputatorum ad sacrificium Missæ, vel alia Ecclesiæ Sacraenta, aut divina officia peragenda, dummodo in eis de facto officia illa, vel divina mysteria peragantur, etiam si needum consecrata sint. Non autem privata Oratoria, vel Eremitoria non consecrata, nec benedicta; quia immunitate non gaudent, etiam si Missa in eis de licentia Episcopi fiat. Gaudens autem Monasteria ex Constitut. Gregorii XIV. & Hospitalia Episcopi auctoritate fundata, cap. ad hoc de relig. domib.

Ad discernendum vero, quando in tribus illis speciebus committatur sacrilegium, vide ad quid res, personæ vel loca sanctificata sunt. Siquid enim fiat contra id ad quod sanctificata sunt, sacrilegium est. Verbi gratia bona Ecclesiæ sanctificata sunt quoad exemptionem a saecularibus exactiōibus: committitur ergo sacrilegium per exactiones super illis saeculari auctoritate factas; non autem quando in agro ad Ecclesiam spectante fornicatio committitur: quia ad hoc inducta non est exemptio illius. Ad sacrilegium tandem in loca sacra aliquo modo pertinere detractiones, & quæcumque mortalia in ipsi commissa, probatum habes to. I. 10. c. 8. §. 3. quia si mercatus & negotiations in ipsi facte sunt contra reverentiam illius.

k